

QVADRAGESIMI NONI CAPITIS TABV

la, eiusdemq; figurarum & characterum Index.

P R A E C E D E N T E M paginam occupans tabula, quatuor complectens

figuras numero insignitas, nō huic tantum Capiti, verum etiam & alijs plerisq; utilis erit. Neue

ro de in pluribus praefigenda sit Capitibus, hic omnes suarum notarum indices sum explicaturus.

1 Prima itaq; figura corporis in mensa proni, & oculo ad perinaeum, seu inter femineum directo, ostendit femora in latera admodum distensa, & penis corpus uniuerso interim scorto cum testibus, cute, adipe, uenis, nervis, & arterijs undiq; abscelitis.

2 Secunda figura nuda quodammodo commonstrat ossa, quae sacri ossis lateribus committuntur, acilium & coxendicum & pubis ossa appellantur. His femorum ossium portiones adhuc appendent, una cum ani & penis musculis: quos ideo ab ipso exortu dependere sinximus, ut penis corporum origo urinæq; & semini communis meatus inibi in conspectu esset, qua sursum sub pubis ossibus flectitur.

3 Tertia, penem transuersum dissectum in hoc ostendit, ut penis corporum substantia, & coactis, & cum urinæ meatu connexus oculis subijcerentur.

4 Quarta figura integrum commonstrat penem, una cum uesica hic exporrectum, ut proprius uescicae ceruicis musculus inueneri possit.

A, B 1, 2, 3, 4 Duo penis corpora, penem quodammodo uniuersum constituentia.

C, D 2, 4 Duorum penis corporum exortus.

D 1, 2, 3, 4 Penis glans, quam alij præputium nuncupant: eo nomine cutem, qua penis obtegatur, non dignantes.

E, E 3 Fungosa rubraq; penis corporum substantia.

F 3 Mutuus penis corporum connexus, & neruea eorundem substantia, quae orbiculatim fungosam substantiam complectitur.

G 1, 2, 3, 4 Vesicae meatus, urinæ seminisq; genitali communis.

H, I 1, 2 Duo primi penis musculi, in prima quidem figura suam seruantes sedem, in secunda autem ab eorundem principio dependentes.

K, L 1, 2 Duo posteriores penis musculi, seu tertius & quartus, qui in prima figura integri, in secunda uero ab insertione pendentes conspiciuntur.

M 1, 2 Musculus orbiculatim recti intestini finem ambiens, faciumq; excretioni praefectus.

N, 4 Vesicae ceruicis musculus, urinam, ne præter nostrum arbitrium defluat, cohibens.

O, O 2 Membrana pubis ossium foramina occupans.

P, 2 Teres ligamentum, a coxendicis osse in rotundum femoris caput insertum.

Q, 4 Vesicae corpus.

R, 4 Glandosum corpus, uasorum semen deferentium insertionem excipiens.

S, S 4 Portiunculae sunt meatuum, quibus urina & renibus in uescicam ducitur.

T, T 4 Portiunculae sunt meatuum, semen in uescicae ceruicem eiuculantium. Musculos autem in prima figura femur amplexantes, characteribus non insigniimus, quod illi in musculorum tabulis diligentissime annotati fuerint.



Penis constructio.

T S I penis constructionis enarratio in quintum librum, ubi generationis organa persequitur, opportunè reseruanda ueniet, nihilominus tamen in praesenti tantam huius mentionem facere expedit, quanta ad musculorum penis descriptionem ex usu est. Penem itaq; præter cutem qua inuoluitur, duo grandia, & neruea, & intus spongiae modo caua efformat corpora, quorum dextrum a pubis ossis dextri sede enascitur, paulo inferius quam ubi inuicem pubis ossa dehiscere incipiunt. hoc uersus sinistram latus modice exporrectum, cum sinistro coit corpore, a pubis osse sinistro principio ducente. His corporibus tota penis constat moles. atq; haec corpora ad inferiorem ipsorum sedem, qua coeunt uescicae meatum sibi toto ipsorum ductu ad glandis usque radicem subnatum exigunt, ubi canalem hunc urinæ seminisq; communem, corpora illa in unum prorsus corpus confusa amplexantur, quemadmodum quinto libro auditurus es prolixius. Nunc enim ad quatuor musculorum descriptionem, modo dicta, abundè sufficiunt. Ab anteriori itaq; de anularis musculi, quem recto intestino ut excrementorum praestegestioni obnatum esse docebimus,

Primi duo penis musculi.

cebimus, duo carnei enascuntur musculi, illis prorsus similes qui a pectoris osse ad os referens porriguntur. Ambo enim inuicem proximi sunt, & internis lateribus mutuò committuntur, rectaq; sursum in priora ad urinarij meatus sub corporibus illis ad superiora reflexum ascendentes, eius meatus lateribus inferuntur, & inuicem dirempti, corpora penis nonnihil distorunt modò amplexantur. Alij duo utrinq; habentur singuli, ab appendice ossis coxendicis paulo inferius quam penis corpora, principium ducentes. quod carneum est, & gracile, et oblique sursum procedentem efficit musculum, qui carnosus semper permanens, sui lateris corpori non procul ab exortu inferitur. Quatuor his musculis penis radix uoluntario impetu trahitur, hinc & erectionis quandam uitam, præter naturalem facultatem ipsi insitam, obtinens. Quamquam duo priores musculi in urinæ seminisq; excretionibus, communem illum urinæ seminisq; meatum ueluti digitis quibusdam aperire uideantur, ne meatus in obliquo hoc reflexu restrictus, eiusmodi humorum expulsionem prohiberet, & potissimum seminis, cuius eiuculatione (etsi urina multo crassius sit) impetu Natura perfici uoluit. Nisi enim hi musculi in inferiorem meatus sedem in hoc reflexu deorsum uellerent, in penis tentigine totus meatus occluderetur, quod ipsius superior pars a distentis corporibus adeò pertinaciter huc illuc alliceretur. Porro, ut musculos hos commodè aggrediaris, reliqua cadaueris pars, quae adhuc reliqua est, relumetur, ac distentis quammaximè possis femoribus, orbicularem sectionem inani ambitu duces, qua cutem ad adipem usque (quem hic habes copiosissimum, maximeq; humidum) diuidas. Deinde longam sectionem per futuram in penis inferiori fede ac scorto conspiciam in cute per perinaeum (quod inter femineum alij uocant) molieris, quae ad anteriore usq; orbicularis lineae sedem peringat. Postmodum cutem hamulis, aut digitis eleuatam, hinc inde a subditis organis nouacula diuellis, atque musculos qui sese absceta cute offerunt, paruo cultello a suis exortibus liberatos, ad insertionem usque per duces, non per transfennam singulos seorsum expendens, cum calculorum erudorum gratia, tum fistularum ulcerumq; nomine hac sede non infrequenter homines infestantium. Deinde eo obseruandi sunt quoq; exactius, quo minus aliquid a Galeno de his proditum habemus. Quandoquidem locus in quo illos in opere de Administrandis sectionibus profectus est, una cum quinque & dimidio eius operis libris in curia temporum intercidit, una cum ipsius de Musculis peculiari libro, in quibus proculdubio horum mentionem illum fecisse Arabum libri commonstrat: unde etiam prorsus sperandum est, in Bochara Persiae ciuitate cuiatem Auicennam fuisse sat nouimus, hos libros omnes aliquando non in uidentibus superis, inueniendos. Nisi fortassis Auicennam illis libris destitutus, Orobasij duntaxat operibus usus fuerit, e quibus uerbotenus hoc quidquid de hominis fabrica prodidit, descripsisse uidetur.

DE CERVICIS VESICAE MUSCULO,

urinam, ne præter arbitrium ex uesica profluat, inhihente.

Caput L.

HUIUS musculi effigiem in uiris quarta figura tabulae praecedenti Capiti praeposita commonstrat, N litera notatam, quemadmodum & uigesima secunda & uigesima tertia figurae ad characterem p. Muliebris uero uesicae musculum proponit uigesima quinta libri quinti figurae y. Quod autem illas figuras hic non proponam, hinc potissimum fit, quod eisdem figuris paginas occupandas minime duxi.



D uirilis uesicae finem, ubi in collum ceruicem ue terminatur, glandosum quoddam corpus ipsi obnafei, quintus liber declarabit, qui etiam uersum meatus ductum explicaturus est. Musculus autem nobis propositus inter glandosum id corpus & reflexum consistit, quae uesicae ceruix sub pubis osse primò molitur. Musculus tota ferè hac meatus sedem orbiculatim ambit. Est namq; orbicularis, & oblongi anuli, aut oblongi rotundiq; meatus effigiem exprimit, fibris transuersim circularibus intertextus, & superius iuxta glandosum corpus crassior quam inferius. Atq; ita in uiris habet. In mulieribus uero, quarum uesicae ceruicis eiusmodi corpus glandosum non adnascitur, musculus totum meatum ambit, qui a uesica corpore in superiorem sedem colli uteri nō procul a pudendo subingreditur: & musculus hic quanto in mulieribus prolixior est, tanto etiam tenuior uisitur, eundem tamen prorsus usum in his ac in uiris praestans. Primariò enim in hoc ipsum Natura condidit, ut meatui uesicae praeficeretur, obstaculo futurus ne transuersa uescicae fibrae motu suo naturali urinam præter nostram uoluntatem excernant. Operae precium enim

Tertius & quartus.

Musculorum officium.

Administratio.

Uirilis uesicae musculus.

Muliebris.

Musculi uisus.